

04-07-2025

Sarajevo, _____

Broj: 73-11-3-22798



**KLINIČKI
CENTAR
UNIVERZITETA
SARAJEVO**

Na osnovu člana 70. Zakona o javnim nabavkama („Službeni glasnik BiH“, broj 39/14, 59/22 i 50/24), člana 48. Statuta KCUS-a (Sl.novine FBiH br. 73/13), člana 25. Pravilnika o javnim nabavkama Kliničkog centra Univerziteta u Sarajevu (65-04-2-4654-1 od 01.02.2023.godine) na prijedlog Sektora naručioca, V.D. Generalnog direktora donosi:

ODLUKU

o poništenju / otkazivanju postupka nabavke za
„Usluge dezinfekcije, dezinsekcije i deratizacije“

I

Poništava se (otkazuje) otvoreni postupak nabavke za „Usluge dezinfekcije, dezinsekcije i deratizacije“ objavljen na portalu e-Nabavke pod brojem 893-1-2-219-3-608/25 od 04.06.2025.godine, u skladu sa članom 69. stav 3) ZJN zbog razloga koji su se desili izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

II

Ovom Odlukom se poništava (stavlja van snage) Odluka o pokretanju broj 73-11-3-19248 od 03.06.2025.godine, tenderska dokumentacija broj 73-11-3-19248-1/25 od 04.06.2025, Obavještenje o nabavci broj 893-1-2-219-3-608/25 od 04.06.2025.godine kao i obavještenje o izmjeni TD. broj 73-11-3-19248-2/25 od 12.06.2025.godine.

III

Ova Odluka stupa na snagu danom donošenja i u skladu sa zakonskim propisima će biti dostavljena svim ponuđačima koji su pruzeli tendersku dokumentaciju predmetnog postupka javne nabavke i objavljena na web stranici KCUS-a.

O B R A Z L O Ž E N J E

U skladu sa naprijed navedenim, te činjenicom da su za predmetni postupak nabavke u skladu sa rokovima definisanim ZJN zaprimljene 2 (dvije) žalbe na tendersku dokumentaciju, odnosno dio koji se odnosi na zahtjeve tehničke i profesionalne sposobnosti od strane potencijalnih ponuđača Klinički centar Univerziteta u Sarajevu (u nastavku Ugovorni organ) daje hronološki slijed rada na predmetnom postupku nabavke:

1. Predmetni postupak javne nabavke je pokrenut na osnovu Odluke o pokretanju broj 73-11-3-19248 od 03.06.2025.godine, putem otvorenog postupka sa Obavještenjem o nabavci 893-1-2-219-3-608/25 od 04.06.2025.godine, za čiju realizaciju su odobrena finansijska sredstva u iznosu od 135.000,00 KM bez uračunatog PDV-a, uz zaključenje okvirnog sporazuma u trajanju od 24 (dvadeset i četiri) mjeseca, a sredstava su planirana Planom javnih nabavki za 2025.godinu, pod klasifikacijom Usluge, redni broj 111. u kojem je navedeno da se radi o rezervisanom ugovoru (Odluka o usvajanju Plana JN KCUS-a za 2025.godinu, broj protokola 65-04-2-3674 od 29.01.2025. godine). Uslovi plaćanja predviđeni za postupak nabavke su odgođeno plaćanje 60 dana po ispostavljenom računu (na osnovu akta Sektora za finansijsko, knjigovodstvene i planske poslove br. 56-11-3-5515 od 12.02.2025.godine).
Za navedeni postupak nabavke je predviđeno provođenje e-aukcije, a kriterij vrednovanja ponuda je najniža cijena.
2. Na osnovu obavještenja objavljenog na portalu e-nabavke pod brojem 893-1-2-219-3-608/25 od 04.06.2025.godine tendersku dokumentaciju za postupak javne nabavke preuzelo je 9 (devet) potencijalnih ponuđača. U skladu sa ZJN putem portala od navedenih ponuđača upućena su pitanja u vezi traženih zahtjeva tehničke i profesionalne sposobnosti koje trebaju ispuniti, a na koja je ugovorni organ odgovorio i u vezi sa tim izvršio Izmjenu tenderske dokumentacije broj 73-11-3-19248-2/25 od 12.06.2025.godine. Izmjenu tenderske dokumentacije je preuzelo 7 (sedam) potencijalnih ponuđača.
3. U skladu sa definisanim rokom za izjavu žalbi ugovorni organ je od strane 2 (dva) potencijalna ponuđača zaprimio žalbe na tendersku dokumentaciju uz napomenu da su žalbeni navodi iz obje žalbe bili skoro identični i upućeni na dio tenderske dokumentacije koji je vezan za ispunjenje pojedinih zahtjeva tehničke i profesionalne sposobnosti i to:
 - žalbeni navodi koji se odnose na posjedovanje CEPA sertifikata CEN EN 16636:2015 i HACCAP auditora za obavljanje usluga dezinfekcije, dezinsekcije i deratizacije
 - žalbeni navodi koji se odnose na tačku 2.1. - zakonitost primjene člana 9. ZJN BiH, kojim se omogućava rezervacija ugovora za firme koje zapošljavaju više od 50% osoba s invaliditetom, te izmjenju i dopunu ovog zahtjeva koju je ugovorni organ dao nakanadno pod tačkom r) - tehnička i profesionalna sposobnost
4. Prije nego se upustio u meritorno odlučivanje o navedenim žalbama, ugovorni organ je pristupio provjeri procesno-pravnih pretpostavki i utvrdio da su predmetne žalbe blagovremene, dopuštene, uredne, izjavljene od strane ovlaštenog lica i od lica koja imaju aktivnu legitimaciju.
U skladu sa navedenim ugovorni organ je obustavio postupak nabavke i o istom putem Portala JN obavjestio potencijalne ponuđače u dva navrata i to 16.06.2025.godine i 18.06.2025.godine.

[Handwritten signatures]

5. Žalbeni navodi u dostavljenim žalbama su bazirani na mišljenju žalitelja da je tenderska dokumentacija (zahtjevi iz tehničke i profesionalne sposobnosti) ugovornog organa definisana na način po kojem je onemogućena stvarna konkurencija, odnosno da se nije pružila mogućnost učešća svim potencijalnim i zainteresovanim kandidatima da učestvuju u postupku nabavke sa ciljem najefikasnijeg korištenja javnih sredstava, iako je ugovorni organ smatrao opravdanim da u predmetnom postupku nabavke Rezervacijom koja je u skladu sa članom 9. ZJN BiH, i kojom se daje mogućnost afirmativnog djelovanja radi socijalne inkluzije, kao i trenutne epidemiološke situacije u Kantonu Sarajevo čime bi angažovanje pružaoca usluga koje posjeduju međunarodno priznate certifikate i demonstriraju najviše standarde zaštite.
6. U skladu sa naprijed navednim, ugovorni organ je u konačnici prihvatio žalbene navode kao osnovane, te donio Rješenja o usvajanju žalbi kao osnovu za preduzimanje radnji ispravljanja od strane ugovornog organa (Sektora naručioca usluga) kojima se obavezao izvršiti ispravku tenderske dokumentacije - zahtjeva koji se odnose na tehničku i profesionalnu sposobnosti na slijedeći način:
- Žalbeni navodi koji se odnosi na zahtjev za posjedovanje CEPA certifikata CEN EN 16636:2015 i HACCAP auditora za obavljanje usluga dezinfekcije, dezinfekcije i deratizacije ugovorni organ je prihvatio u cjelosti kao osnovan i isti neće tražiti pri ponovnom objavljivanju postupka nabavke obzirom da nije obavezan u skladu sa Pravilnikom DDD.
 - Žalbeni navod koji se odnosi zakonitost primjene člana 9. ZJN BiH, kojim se omogućava rezervacija ugovora za firme koje zapošljavaju više od 50% osoba s invaliditetom, te izmjenu i dopunu ovog zahtjeva koju je ugovorni organ dao nakanadno pod tačkom r) - tehnička i profesionalna sposobnost, ugovorni organ prihvata kao osnovan, uz napomenu da je o istom nakon donošenja Rješenja o usvajanju žalbi, tražio očitovanje i mišljenje AJN na osnovu kojeg će donijeti konačnu odluku o uvrštavanju ovog zahtjeva pri ponovnom objavljivanju predmetnog postupka nabavke. Naime, ugovorni organ je pri aktivnostima ispitivanja tržišta na osnovu usmenog razgovora sa uposlenicima Fonda za profesionalnu rehabilitaciju i zapošljavanje osoba sa invaliditetom došao do saznanja da Fond za potrebe nadmetanja u postupcima javnih nabavki izdaje potvrde isključivo za tu namjenu, te da vode redovnu evidenciju o broju invalidnih osoba kod pravnih lica koja ostvaruju to pravo i da pri izdavanju navedenih potvrda iste daju samo kao procentualni omjer zastupljenosti istih u odnosu na ukupan broj uposlenih, a ne u apsolutnom broju ili po imenu i stepenu invalidnosti. Stoga je Ugovorni organ traženjem ove potvrde istu smatrao relevantnom, ali uvažavajući izjave žalitelja da postoji samo jedan ponuđač koji može zadovoljiti traženi zahtjev, Ugovorni organ je pismenim putem obrazložio sve naprijed navedeno i dostavio upit AJN da se očituje i da svoje mišljenje, na osnovu čega će donijeti konačnu odluku o uvrštavanju ovog zahtjeva u tehničku i profesionalnu sposobnost pri ponovnom objavljivanju ovog postupka nabavke.
 - Ugovorni organ je u skladu sa odredbama ZJN donesena Rješenja o usvajanju žalbi dostavio žaliteljima, te također dostavio neophodnu dokumentaciju URŽ-u radi pokretanja postupka povrata naknade za pokretanje žalbenog postupka.

Uzimajući u obzir donesena Rješenja o usvajanju žalbi kao i naprijed navedene činjenice, ugovorni organ je za otvoreni postupak nabavke „Usluge dezinfekcije, dezinfekcije i deratizacije“ objavljen na portalu e-Nabavke pod brojem 893-1-2-219-3-608/25 od 04.06.2025.godine, **u skladu sa članom 69. stav 3) ZJN donio Odluku o poništenju (otkazivanju) postupka nabavke**, zbog razloga koji su se desili izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke, te da se u skladu sa žalbenim navodima, izjašnjenjem AJN po pitanju drugog žalbenog navoda kao i stvarnim potrebama Sektora naručioca sačini tehnička specifikacija i sa takvom specifikacijom ponovno provede predmetni postupak nabavke.

Shodno navedenom, a primjenom odredbi člana 69. stav 3) ZJN odlučeno je kao u dispozitivu ove Odluke.


V.D. GENERALNOG DIREKTORA KCUS-a
Prof.dr Hajrija Maksić

POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 10 (deset) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:

- Ponuđačima
- Službi za javne nabavke
- a/a KCUS

